

江西文獻叢書

吳宗慈著

張道陵天師世家

甲集之六

江西省文獻委員會印行 三十六年九月



江西文獻叢書

吳宗慈著

張道陵天師世家

甲集之六

江西省文獻委員會印行 三十六年九月



本書著作權由著作人呈
請內政部審核登記中

序

張道陵天師世家

吾國宗教，佛教外，厥惟道教。而道教所宗，則惟江西龍虎山二千年來，世系相傳之張天師而已。天師之名所由始，殆其後嗣所尊稱，而世人亦因以尊之歟。

漢稱五斗米道其後遂稱爲天師道明太祖嘗論四十二代天師正常曰天可師乎足見天師非朝廷所

賜號徵之歷代封號亦從無天師之稱於此可斷定爲其後裔所尊稱者

自唐以來，迭有封號。

唐玄宗祇冊封漢祖天師號於其後裔無與也

曰法

師，曰眞君，曰國師，曰大真人，曰先生，曰大夫，其稱非一大皆假政治之力以行其道，而時君則利用神道設教之義，以行其政。其教旨之內涵價值如何，姑不具論。而其所以博社會

之尊信者，殆亦有在耶？或謂繫之世家，其義有僭。嘗核之二千年來，其世系相傳，封贈不絕，在歷史上，除孔子世家外，殆無可與匹者。然則以史遷著書世家之例衡之，亦未見其無當也。元世祖嘗命取天師所傳玉印寶劍觀之，語侍臣曰，朝代更易，不知凡幾，而天師印劍，傳子若孫至今日，其果有神明相之者乎？蓋慨乎言之矣。本書編分張道陵天師傳，次天師世系表，次自二世衡至第六十三代恩溥之傳略，其間詳略各有所取。雜考諸書四十餘種，刪其鬼神傳會及迷信之談，而折衷於正史所遺留之史實，亦曰存其真爾。

張道陵天師世家

附天師世系表及歷代天師傳略

漢，張道陵，

三國志張魯傳，祖父陵，道教則稱爲張道陵也。

字靖漢，沛豐邑人，「留侯」九世孫也。

太平廣記，作六世，依

年代稽之似

祖名綱，父桐柏真人大順，母，劉氏，感異夢而有娠，

夢神人授以衛微香，遂感而有娠云。

東

漢光武建武十年甲午，正月十五夜，生於吳之天目山。既冠，身長九尺二寸，龐眉

廣額，隆準方頤，垂手過膝，見者凜然，博習羣書，兼明占候，從學者千餘人。永

平二年，

漢明帝已未，

中「直言極諫科」拜巴郡江州令，

貴溪縣志云，舉孝廉，官至尚書不足據

棄官，隱洛陽，

北邙山，修鍊形術。章帝以博士徵，和帝召爲大傅，封「翼侯」，俱不就。杖策與

弟子王長游淮入鄱陽，泝流至雲錦山。煉「九天神母丹」成，而鵲虎見，山因以名。

既訪西仙源，獲制命五岳，攝召萬靈，及神虎祕文於壁魯洞。復往嵩山石室，得黃

帝「九鼎丹書」及「大清丹經」，道成，聞巴蜀沴氣爲害，遂入蜀，常爲人治病。

陵爲人治病，皆採取元素，但改易其大較，轉其首尾，而大途猶同歸也，見葛洪神異傳，

初居陽平山，遷鶴鳴山，

張魯傳作鶴鳴山，

感太上降授正

一明威秘錄及三天玉册。太上爲度師封道陵爲天師。

貴溪縣志云，得黃 九鼎丹法，欲合之用藥，糜費錢帛，陵家素貧欲治生

營田，畜牧，非己所長，聞蜀人多純厚，易以教化，且多名山，乃與弟子入蜀往鶴鳴山，著作道書二十四篇，乃精思鍊志，忽有天人下，千乘萬騎，金車羽蓋，鸞龍駕虎，不可勝數，或自稱柱下史，或自稱東海小童，乃授陵以新出「正一明威」之道，陵受之，能治病，於是百姓翕然，奉事之以爲師，弟子至數萬，三國志張魯傳云，祖父陵客蜀，學道鶴鳴山中，造作道書以惑百姓，從受道，出米五斗，故世號稱「米賊」云

并授「三五斬邪雌雄劍」「陽平治都功」玉

印。印之爲異者，累紙百幅。丹文必澈

清惲敬有真人府印說見附錄一，

其弟子既衆，乃立「祭酒」分

領之，有如官長，立條制，使諸弟子隨事輪出米絹器物，紙筆樵薪什物等，領人修復道路橋梁，不修復者，皆使疾病。又欲以廉恥教人，不施刑罰，令有疾病者，皆疏記生身以來，所犯之罪。乃手書投水中，與神明共盟約，不得復犯法。當以身死爲約。

三國志，張魯傳，陵死，子衡行其道，衡死，魯復行之，……魯遂據漢中以鬼道教民，自號「師君」，其來學道者，初皆名「鬼卒」，受本道已信號「祭酒」，各領部衆，多者爲「治頭」「大祭酒」，皆數以誠信，不欺詐，有病，自首其過，……諸祭酒皆作義舍，如今之亭傳，又置義米肉，懸於義舍

，行路者，量腹取足，若過多，鬼道輒病之，犯法者三原然後乃行刑不置長吏，皆以「酒」爲治，民夷樂之，於是分形示化，立二十四治，增以四治，以應二十八宿，妖厲爲之衰息，靈寶七經，卷

二十八，有張天師二十四治圖，第一爲「陽平治」，見後附錄二，如發仁壽縣鹽井，破青城山鬼市，靈應甚多，不能備載。

據道書及廣信府志，貴溪縣志，天師譜牒及世家，等書，所載，靈應事甚多羌無左證不能悉載。桓帝永壽二年遷渠亭山出經錄印劍，授嗣天

師衡。笑道論云張陵稱「天師」，子衡爲「係師」，衡子魯爲「嗣師」號曰「三師」，按靈寶七經則以衡爲「嗣師」，魯爲「係師」，所載略有不同使世世相傳。乃於南

隆雲台峯，乘雲上昇，世壽一百二十三歲，是爲漢「天師」第一世。張道陵先代，世系，詳明宋濂天師世家序，見後附錄三，

唐玄宗天寶七年戊子，詔後漢天師張道陵贈太師，僖宗中和四年甲辰，封「三天扶教大法司」，宋神宗熙寧時，加號「三天扶教輔元大法司」，元成宗，加

封「正一沖元神化靜應顯祐真君」。廣信府志永壽二年，以經錄印劍付子衡戒之曰，吾遇太上，親傳至道，此文總領「三五步罡」，「正一樞要」，世世一

子，紹吾之，位非吾家宗親子孫不傳，是日以丹，付弟子王長趙昇，分餌于雲臺峯，與夫人雍氏，乘雲上昇，女文姬，文光，賢姬 芳芝，皆得追上昇，甄鸞笑道論，則云，陵衡魯三人之妻爲夫人，皆白日昇天。

附錄一 惲敬真人府印說云「江西貴溪縣真人府印，凡大小四，其三者，皆曰「陽平治都功印」按，宋仁宗時，安福縣官林積，以張魯敗於陽平，故印稱「陽平治都功」，林君之識，非人所及，然其言有未盡者。魯弟衡敗於陽平時，魯在南鄭，非魯敗於陽平，且「治都功」未竟其說。敬官江西，真人府以三符至，故爲說以道之。異苑錢唐杜明師，夢人入其館，是夕，謝靈運生其家，送「杜治」養之。注，「治音稚，奉道家靜室也」，此印文治義也。後漢書百官志，郡守有功曹，主選舉功勞。通典督郵監屬縣，有南西東北中五部，功曹之極位。前漢書文帝紀，遣都吏巡行。注，今都郵是也。此印文「都功」之義也。三國志張魯傳，來學道者，初名「鬼卒」，受本道已信，號「祭酒」，各領部衆，多者爲「治頭」，「治都功」，其卽「治頭」歟，魯之祖道陵，本沛人，隱鶴鳴山，在今四川劍州，魯之父衡，繼之，魯據漢中今漢中府也。陽平關卽今府屬褒城縣之陽平驛，爲漢中之阨，魯既用鬼道，陽平當設治以治之。然自

魯祖父至魯，及子富以降魏入許下，無居陽平者。惟衡嘗築城於陽平。今子孫居貴溪爲其道數千年，止用陽平印，不可能也。其一印，中爲交午，以達於四際，中與四際各圍以朱，白圍其方，中左右各二，左爲文表置之，右爲文平置之，有陰陽變化之理，乃鬼道符記也。夫真人府，所以惑人者，印也，而鄙誕不經如此，其他可知。自東晉以來，士大夫奉其道者，不可勝數，皆附會神仙，誇飾變異，以神其說，亦獨何歟。

附錄二 雲笈七籤卷二十八，云「謹按天師二十四治圖云，「太上以漢安二年

，按，漢安二年，爲漢順帝在位之十八年，癸未，

正月七日中時，下二十四治，上八治，中八治，下八治

，應天二十四氣，合二十八宿，付天師張道陵，奉行布化。張天師諱道陵，字輔漢，於蜀郡臨邛縣，渠亭山赤石城中，靜思精至，五月一日夜半時，有千乘萬騎來下，至赤石城前，金車羽蓋，步從龍虎鬼兵，不可稱數。有五人，一人自言，吾是周時「柱下史」也，一人自言，吾是晉出太上老君也，一人云，吾

是太上高皇帝中黃真君也，一人言，吾是漢師張良子房也，一人言，吾是佐漢子淵，天師外祖也。子，骨法合道，當承老君忠臣之後，今授子鬼號，傳世子孫爲國師，撫民無期。於是道陵方親受太上質疑寶字之訛勅，當步綱攝紀，承統三天，佐國扶命，養育羣生，整理鬼氣，傳爲國師，依其度數，開立二十四治，十九靜慮，授以正一明威之道，伐誅邪僞，與天下萬神，分付疑爲字誤爲盟，悉承正一之道也。

上皇元年七月七日，無上大道老君，所立上品治八品訣要掌中伏虧造天地五龍山嶽老君，立位治，以用化流愚俗，學者不得貪競欲仙道克成，可傳之，與質朴也。
按，上皇，與下無極無上，各紀年，皆見甄鸞笑道論，無甲子可稽，所謂道書雜記，子虛荒唐之說也。

第一陽平治。 第二鹿堂山治。 第三鶴鳴神山治。 第四漓沅山治。 第五葛瓚山治。 第六庚除治。 第七秦中治。 第八真多治。
 無極元年十月五日，真正無極太上立治，中八品，氣要訣在掌中，第一昌利治

。第二隸上治。第三涌泉山神治。第四稠稊治。第五北平治。第六本竹治。第七蒙秦治。第八平蓋治。

無上二年正月七日，無爲大道玄真，立下八品治，氣要訣在掌中，第一雲臺山治。第二濫口治。第三後城山治。第四公墓治。第五平岡治。第六主簿山治。第七玉局治。第八北邙山治。玄都律，第十六云，「治者，性命魂之所屬也」，五嶽名山圖云，上八治是上品，並是後漢漢安元年，太上老君所立，中八治，是中品，下八治，是下品，置如前。

岡氏治。白石治。鍾茂治。具山治。地圖云，此四治，在京師東北。右此四治，是張天師所加充，前二十四治，合成二十八治，上應二十八宿。

平公治。公墓治。天臺治。灝鄉治。樽領治。代元治。和里治。漓沅治。

右是天師更加此八治，以配八品，周布四海，鎮國化人也。

今俗傳張天師印，爲「陽平治都功」字樣，卽從此而來。「陽平治」爲二十八治之一，「都功」者，不過治中之一職事而已。

附錄三 明宋濂天師世家序，摘錄嗣漢四十二代天師張真人，

按，四十二代天師，
為張正常即明代之第

一任天師

也，以世家一卷，命上清道士，傳同虛徵濂序其首簡。……張，出自姬姓，軒轅子青陽氏第五子揮為「弓正」，始造弓矢，張羅以取禽獸，主祀弧星，世守其職，賜姓張氏。周宣王時，有卿士張仲，其後裔仕晉為大夫，張侯生老，老生君巫，君巫生趨，趨生貉，其孫曰抑翽。至三卿分晉。張世事韓，韓相開地，相韓昭侯，宣惠王襄哀王。開地生平，相釐王悼惠王，平生良，字子房，漢太傅留文成侯，居沛之豐邑，生二子，侍中辟疆，及不疑，不疑嗣侯生二子，典，高，典生默，默生大司馬金，金生陽陵公千秋，千秋字萬年，生嵩，嵩生五子，壯、讚、彭、穆、述。其後，多以功烈著。傳至於唐，列為安定，范陽，太原，南陽，燉煌，修武，上谷，沛國，梁國，滎陽，平原，京兆等，四十三望族，中出宰相，凡十七人。高生通，通生無妄，無妄生里仁，里仁生皓，皓生綱，綱生桐柏真人大順，大順生漢天師道陵，是為「元教」之宗。其傳緒悠長，倍前望族之盛，論者弗察，見留侯再世，國除，即意其絕嗣，殊不知流裔南北如是之繁也。

天師歷代世系表

| 代數 | 名號 | 世系 | 襲教之年 | 委化之年 | 備考 |
|----|-------------------|-----|---------------------|-------------|--|
| 一代 | 名陵亦曰 道陵字輔 漢 | | | | 有傳見前 |
| 二代 | 名衡字靈 真 | 道陵子 | 漢桓帝永 壽二年， 丙申， | 漢元和， 己未， | 元和爲後漢章帝紀年， 祇三年，甲申至丙戌， 無己未。桓帝時，襲教 ，何得於章帝時委化， 年代錯亂，甚矣。載見 廣信府志，（以後祇言 府志）不足據。考道陵 生建武十年甲午，世壽 |

| | | |
|----------------------|---|--|
| 四代 | 三代 | |
| 盛字元宗 | 魯字公祺 亦作公旗 | |
| 子 魯第三 | 衡子 | |
| 失考 | 漢元和己未 | |
| 失考 | 失考 | |
| 有傳，據魯傳，子富嗣侯，似富爲長子，魯共 | 有傳，據魯傳，祇載其降操，後操爲子彭祖取魯女。魯薨，謚原侯，子富嗣，未載其死之年。 | 一百二十三，適爲永壽二年丙申。永壽後，祇有靈帝光和紀年，元和或爲光和之誤。建安二十年乙未，曹操擊張魯于漢中，光和距建安乙未，三十餘年，以時代核之，尙爲差近。有傳 |

| | | | |
|------------|--------------------------------|---------------------|-----------------------------|
| 七 | 六 | 五 | |
| 代 | 代 | 代 | |
| 回教信昌 | 椒字德馨 | 昭成字道融 | |
| 椒子 | 不詳，凡云不詳者，不知其爲前天師之第幾子。 | 盛長子 | |
| 失考，「 | 失考，「府志」晉安帝屢徵不起。 | 失考 | |
| 失考，「 | 失考，「府志」年百餘，尸解去， | 失考「府志」壽一百十九 | |
| 元至正十三年，贈「至 | 元至正十三年，贈「清微弘教元妙」真君。府志，載其博通儒書云。 | 元至正十三年，贈「清微廣教宏道真君。」 | 五子，皆封列侯。是盛亦受封者，第爲魯第幾子，則不可考， |

| | | | |
|------------|---|----------------------|--------------|
| 十代 | 九代 | 八代 | |
| 子祥字麟 | 符字德信 | 字彥超 | |
| 不詳 | 不詳 | 不詳 | |
| 失考，「 | 失考 | 失考，「府志」後魏太祖，嘗召至闕，問道， | 府志「十歲嗣教， |
| 失考，「 | 失考「府志」壽九十三 | 失考，「府志」年九十， | 府志「入青城山，不知所終 |
| 元至正十三年，贈「上 | 元至正十三年，贈「玉清贊化崇妙」真君。府志，其於經傳子史，過目成誦，經錄尤顯于時。 | 元至正十三年，贈「玉清應化冲靜」真君。 | 清輔教弘濟」真君。 |

| | | |
|-----------------------|-------------------------|--|
| 伯 | 十一代 | 十二代 |
| | 通元字仲 遠 | 恆字德潤 |
| | 不詳 | 不詳 |
| 府志「仕 隋爲洛陽 尉棄官。」 | 失考 | 失考 |
| 府志「壽 一百二十 ， | 失考，「 府志」年 九十七， | 失考，「 府志」唐 高宗召問 治國安民 之道。對 曰能無爲 ，則天下 治矣。帝 |
| 清元妙太虛「眞君。」 | 元至正十三年，贈「上 清元應冲和」眞君。 | 元至正十三年，贈「上 清元德太和」眞君。府 志，研讀經史，過日不 忘。 |

| | | |
|----------|---------------------|--|
| | 十三代 | 十四代 |
| | 光字德紹 | 慈正字子明 |
| | 不詳 | 不詳 |
| | 失考 | 失考 |
| 嘉之。年九十八。 | 失考，「府志」壽一百〇四歲， | 失考「府志」年百餘歲， |
| | 元至正十三年，贈「太元至德廣妙」真君。 | 元至正十三年，贈「太元至德紫虛」真君。按，真仙通鑑，載正一真人第十四代孫，名惠感，字智元，洪州高安人，修神仙之道。唐武后召爲國師，建醮，感慶雲見，及水湧枯井，二 |

| | | | | | |
|-----|--------|----|----|-------------|----------------------------|
| | | | | | 龍出戲。天寶中，白日冲昇諸事，與舊志載異，錄以備考。 |
| 十五代 | 高字士龍 | 未詳 | 失考 | 失考 | 有傳 |
| 十六代 | 鳳 應韶字治 | 未詳 | 失考 | 失考 | 元至正十三年，贈「洞虛演道冲素」真君。 |
| 十七代 | 頤字仲孚 | 未詳 | 失考 | 失考 | 有傳 |
| 十八代 | 良 士元字仲 | 未詳 | 失考 | 失考「府志」年九十二， | 元，至正十三年，贈「洞虛明道贊運」真君。 |
| 十九代 | 修字德真 | 未詳 | 失考 | 失考「府志」年八十五， | 元至正十三年，贈「冲元翊化昭慶」真君。 |

| 二十代 | 二十一代 | 二十二代 | 二十三代 |
|------|---------------------|---------------------|------------------------------|
| 謚字子堅 | 秉一字溫甫 | 善字元長 | 季文字仲珪 |
| 未詳 | 未詳 | 未詳 | 未詳 |
| 失考 | 失考 | 失考 | 失考 |
| 失考 | 失考「府志」年九十二 | 失考「府志」年八十七 | 失考「府志」五代之季，受其經籙者甚衆，乃鑄鐵環券賜之。宋 |
| 有傳 | 元至正十三年，贈「冲元紫氣昭化」真君。 | 元至正十三年，贈「清虛崇應孚惠」真君。 | 元至正十三年，贈「清虛妙道輔國」真君。 |

| | | | | | | |
|------|-----------|----|----|--------------|----------------------|---------------------------------------|
| 二十四代 | 正隨字寶 神 | 未詳 | 失考 | 失考 | 初，鐵券 錄尤盛壽 八十七， | 其事蹟詳後魯傳之附錄 二，元贈「清虛廣教妙 濟」真君。 |
| 二十五代 | 乾曜字元 光 | 未詳 | 失考 | 失考 | | 有傳 |
| 二十六代 | 嗣宗字榮 祖 | 未詳 | 失考 | 「府志」 年八十一 | | 宋仁宗，嘗召赴闕，賜 號虛白先生。元贈「崇 真普化妙悟」真君。 |
| 二十七代 | 象中字拱 宸 | 未詳 | 失考 | 失考 | | 元贈「崇真通惠紫元」 真君。 |

| | | | | | |
|------|----------------|--------------------|----|----------|--|
| 二十八代 | 敦復字延之 | 象中子 | 失考 | 失考 | 有傳 |
| 二十九代 | 景端字仁 | 敦復從子，因敦復無子也。 | 失考 | 失考 | 宋徽宗大觀二年，贈葆真先生，年五十五，龍虎山志作年三十三，元贈「太極清虛慈妙」真君。 |
| 三十代 | 繼先字嘉聞一字道正號脩然子， | 象中曾孫，景端無子，繼先，其從子也。 | 失考 | 宋哲宗元符三年， | 有傳 |
| 三十一代 | 時修字朝 | 象中之 | 失考 | 失考 | 有傳，繼先不娶，無子 |

| | | |
|--|---|---------------|
| | 三十二代 | 三十三代 |
| 英 | 守真字遵一 | 景淵字德瑩，初名伯璟，高 |
| 孫，敦真之子，繼先之從叔。 | 未詳 | 守真長子， |
| | 宋紹興十年， | 失考 |
| | 宋淳熙三年， | 失考 |
| ，臨終以印劍授時修，初辭不受，曰，繼先，吾從子也，吾烏得後之。衆以法統力勸，乃從。元贈「正一弘化明悟」真君。 | 高宗召赴闕，號正應先生。孝宗時，賜象簡寶劍，清淨陰符二經。元，贈「崇虛光妙正應」真君。 | 元贈「崇真太素冲道」真君。 |

| | | | | | |
|------|--------|------------------|-------------|-------------|--|
| | 宗賜改今名。 | | | | |
| 三十四代 | 慶先字紹祖 | 景淵子 | 宋寧宗嘉泰元年，辛酉， | 嘉泰二年壬戌， | 初，景淵鞠嗣先爲子，其後，慶先始生，故景淵卒，以弟伯瑀攝教。既，歸之嗣先，又十一年，慶先既長，乃以印劍歸之。 |
| 三十五代 | 可大字子賢 | 守真之曾孫，景淵從孫，伯瑀之孫， | | 宋理宗景定四年，癸亥， | |

| | | | | | |
|------|-------------|-------|--------------|--------------|-------------------------------------|
| 三十六代 | 宗演字世傳號簡齋 | 可大子 | 年十九，襲教，年代不詳， | 元前至元辛卯， | 有傳，按至元辛卯，爲二十八年，據元史釋老傳，宗演于二十九年卒，爲壬辰。 |
| 三十七代 | 與棣字國華號希微子 | 宗演子 | ，至元二十八年辛卯， | ，至元三十一年甲午， | 有傳 |
| 三十八代 | 與材字國梁，號廣微子， | 宗演次子， | ，至元三十一年甲午， | 元仁宗，延祐三年，丙辰， | 有傳 |
| 三十九代 | 嗣成字次望，號太原子， | 與材子 | 延祐三年丙辰， | 元順帝至正四年， | 有傳 |

| 四十代 | 四十一代 | 四十二代 | 四十三代 | 四十四代 |
|----------|----------|----------------|-------------|----------|
| 嗣德號太乙， | 正言號東華， | 正常字仲紀，號冲虛子， | 字初字子璿，別號耆山， | 字清，字彥璣，號 |
| 與材第二子， | 嗣德長子， | 嗣成長子 | 正常子， | 正常仲子，字 |
| 至正四年甲申， | 失考 | 至正十九年己亥， | 失考 | 永樂八年庚寅， |
| 至正十三年癸巳， | 至正十九年己亥， | 明洪武十年，丁巳，年四十三， | 永樂八年庚寅， | 宣宗宣德元年丙午 |
| 有傳 | 有傳 | 有傳 | 有傳 | 有傳 |

| | | | |
|------------|----------------|-----------------------------|-----|
| 四十七代 | 四十六代 | 四十五代 | |
| 元慶字天 | 元吉字孟陽，別號太和， | 懋承字文開，別號九陽，又號澹然， | 西壁 |
| 族人 | 懋承之孫，留綱之子， | 正常之孫，字清宇初之從子，字瑤之子， | 初之弟 |
| 憲宗成化 | 正統十年 | 宣德元年丙午， | |
| 武宗正德 | 因罪，配肅州軍，後釋爲庶人。 | 年五十九卒，生洪武二十年丁卯，當卒于英宗正統十年乙丑， | |
| 按，明史方技傳，載弘 | 有傳 | 有傳 | |

| | | |
|--------------|--|---|
| 四十九代 | 四十八代 | |
| 永緒字允成，號別三陽， | 彥頤字士瞻，別號湛然 | 錫，別號貞一，又號七一丈人， |
| 彥頤子 | 元慶子， | |
| 世宗嘉靖二十九年，庚戌， | 弘治時 | 十四年，戊戌， |
| 四十四年，乙丑， | | 己巳 |
| 有傳 | 有傳，按武宗卽位時，召問彥頤神仙之道。及證元慶之死，確在弘治時，而非正德己巳也。 | 治中卒，查己巳爲武宗正德四年，府志所載與史不符。又據撫州府志名臣吳世忠傳，真人恃寵驕姿，世家疏劾其不法，削其職，逐其徒衆，元慶懾息云。 |

| | | | | | |
|------|---------------------|-----------|---------------------|----------------------|--|
| 五十代 | 國祥號心 湛，一字 文徵， | 永緒從 子 | 神宗萬曆 五年丁丑， | 熹宗天啓 三年癸亥， | 有傳，以下參考六十二 代孫元旭，補撰之世家 。查元旭譜，謂委化于 萬曆三十九年辛亥。 |
| 五十一代 | 顯庸字九 功 | 國祥子， | 天啓四年 甲子， | 「旭譜」 卒年八十 有一， | 有傳，本名顯祖，神宗 (萬曆)爲改名顯庸， |
| 五十二代 | 應京字翊 宸， | 顯庸子， | 明懷宗崇 禎九年， 丙子， | 清世祖順 治八年， 辛卯， | 有傳 |
| 五十三代 | 洪任字漢 基， | 應京次 子， | 順治八年 辛卯， | 康熙六年 丁未，年 四十三， | 十二年，世祖召見於南 海子，詢歷代譜系，以 世家稱之，免「上清宮 」各徭役。又命治外藩 |

| | | | |
|--------|---|--|---|
| 妖邪，有効。 | <p>五十四代</p> <p>繼宗字善述，</p> <p>洪任子，</p> <p>康熙十九年庚申，</p> <p>五十四年乙未，</p> <p>繼宗生八月，而父卒，叔洪偕攝教事，至年十四，乃襲爵。御書「太上清」宮額賜之。又賜乾坤玉劍，覃恩授光祿大夫。</p> | <p>五十五代</p> <p>錫麟，字仁祉，號龍虎主人，</p> <p>繼宗子，</p> <p>康熙五十四年乙未，</p> <p>雍正五年丁未，</p> <p>有傳</p> | <p>五十六代</p> <p>遇隆，字輔天，號靈谷，</p> <p>錫麟子，</p> <p>乾隆七年壬戌，</p> <p>失考</p> <p>有傳</p> |
|--------|---|--|---|

| | | |
|--|-----------------|---|
| 五十九代 | 五十八代 | 五十七代 |
| 鈺字佩相，號琢亭， | 起隆字紹武，號錦崖，一號體山， | 存義字方直，號宜亭， |
| 起隆次子， | 存義之叔， | 遇隆子 |
| 嘉慶五年庚申， | 四十五年庚子， | 乾隆三十一年丙戌 |
| 失考 | 嘉慶三年戊午， | 四十四年己亥 |
| 嘉慶五年，十年，十四年，二十三年，凡四次入覲，均有賞賜。光緒三十年甲辰，贈光祿大夫。 | 有傳 | 無子，遺疏，請以嫡堂叔起隆承襲。乾隆三十一年，三十四年，三十五年，四十一年，均入覲。屢獲賞賜。 |

| | | | | |
|------------------------------|-----|---------------------|----------------------|--|
| 六十代 | 六十代 | 六十一代 | 六十二代 | 六十三代 |
| 培源字育 成，號養 泉，人稱 白鶴仙師 | ， | 仁最，字 炳祥，號 清巖， | 元旭 | 恩溥字瑞 磨 |
| 鈺子， | | 培源子 | | |
| 道光九年 己丑， | | 同治元年 壬戌 | | 民國十三 年 |
| 咸豐九年 己未 | | 年六十三 | | 年近五十 |
| 有 | | 有傳 | 中華民國七年戊午，補 撰天師世家。 | 有傳，據三十五年五月 二十八日南昌新聞日報 載步衢稿天師會見記云 ，瑞磨爲道陵六十三代 |

後裔，年近五十，有二女，均肄業師範學校。長女於前年曾報名投青
年軍，爲天師所阻。一
子爲繼任天師，已受小
學教育，即將傳授天書
。（按依成例繼位天師
必爲長子於粗通文字後
，即由當代天師，親授
道法符咒等）其人頗斯
文有禮，但體格孱弱，
如其父云。

歷代天師列傳

漢

自二代至第五十代，天師事蹟，多採廣信府志，貴溪縣志各書，五十代以後，則採張元旭補撰之世家，

二代天師衡

初爲黃門侍郎，

府志載，詔徵爲黃門侍郎，不就，不詳其時代，他書皆無之，

永壽二年襲教，居陽平山，以經籙授弟子

，克彰正一之道。漢光和間，

府志作元和已未誤，見前世系表考，

以印劍戒子魯曰，「汝祖以天地爲心，

生靈爲念，周行天下，除妖孽之爲民害者，是以親遇聖師，建立大教，嗣我教者，非誠無以得道，非敬無以立德，非忠無以事君，非孝無以事親，汝其遵守成訓，勿替」。元武宗時，贈正一嗣師太清寅教妙道真君。

按，三國志張魯傳云，「陵死，子衡行其道，衡死，魯復行之」，數語而已。他書於衡事，均少記載，府志所載戒魯語，多爲入世法，想係其後人偽造，投合時王治世之道者。

三代天師魯

其事蹟具詳三國志本傳，略云，「魯遂據漢中，以「鬼道」教民，自號「師君」。其來學道者，初皆名「鬼卒」，受本道已信，號「祭酒」。各領部衆，多者爲「治頭大祭酒」。皆教以誠信不欺詐，有病，自首其過，大都與「黃巾」相似。諸祭酒皆作義舍，知今之亭傳，又置義米肉，懸於義舍，行路者量腹取足，若過多，鬼道輒病之，犯法者，三原，然後乃行刑，不置長吏，皆以祭酒爲治，民夷便樂之」。注，引典略，略云「光和中，東方有張角，漢中有張修，角爲「太平道」，修爲「五斗米道」……後角被誅，修亦亡，及魯在漢中，因其民信，行修業，遂增飾之。教使作義舍，以米肉置其中，以止行人，又教使自隱，有小過者，當治道百步，則罪除，又依月令，春夏禁殺，又禁酒，流移寄在其地者，不敢不奉」，據典略所紀，魯乃繼修行道，衡傳授印劍說，無所徵。惟後漢書劉焉傳云，張魯字公旗，初祖父陵，順帝時，客於蜀，學道鶴鳴山中，造作符書，以惑百姓。陵傳子衡，衡傳於魯，遂自號「師君」。餘與魯傳所載略同然則魯之五斗米道，實爲祖父孫，

三代嫡系相傳者矣。

當時，天下大亂，人民不保其生，「天師道」據險自治，能撫養民夷，故信從者衆。其後，魯降於曹操，封鎮南將軍，閬中侯，而彼之「天師道」，乃流行全國，及於後世。晉時，奉「天師道」者甚衆，雖知識之士與名族子弟，亦樂從之。（附錄二）由是言之，「天師道」之大行，乃始於魯，魯因修之業，而增飾之。修從學于陵，于衡，則不可知也。府志載魯晚年以劍印授子盛曰，龍虎山，祖師元壇在焉，汝宜往宣吾化，以傳于世。（附錄二）又載魯於北斗峯上昇，則是其後人神仙傳會之詞，非于魯一代有然，今皆削而不錄。魯于元成宗時，贈正一系師太清昭化廣德真君。

附錄一 晉書王羲之傳，羲之次子凝之，爲會稽內史。王氏世事張氏「五斗米道」，凝之彌篤，孫恩之攻會稽，僚佐請爲之備。凝之不從，方入靜室請禱。出語諸將佐曰，吾已請大道，許鬼兵相助，賊自破矣。既不設備，遂爲孫恩所害。「孫恩傳云，「世奉「五斗米道」，叔父泰見天下兵起，煽動百姓，私集徒衆，三吳士庶多從之，爲會稽王道子所誅。恩逃於海，衆聞泰死，惑之，皆

謂蟬蛻登仙、故就海中資給。恩聚合亡命，得百餘人，志欲復仇。……因襲會稽，害內史王凝之。……後爲劉裕所破。恩赴海自沈，妖黨及妓妾，謂之水仙，投水從死者百數餘衆。復推恩妹夫盧循爲主，鍾嶸詩品云，「謝靈運生於會稽，其家以子孫難得，送靈運於「杜治」養之，十五方還都，故名客兒」此所謂治者，卽「天師道」所設分布各地者，人家以嬰兒託之，信其可得神佑也。

附錄二 據張天師譜牒，

中國道教史所引

謂張魯之子盛，歸信州龍虎山，其言絕不可信

。彼時，三國分疆，信州在孫吳域內，張盛非叛魏奔吳，何能入此乎。道書以龍虎山，爲第三十二福地，其爲張氏所居，當在唐季或宋初之時，若六朝時，信州尙未設置，信州及貴溪縣，皆唐所置耳。至宋眞宗大中祥符九年，賜信州道士張正隨爲「貞靜先生」，實爲信州張天師，見紀載所自始。歷代通鑑輯覽，卷七十三，記其事云，「初漢張魯子，自漢中徙居信州龍虎山，世以「鬼道

「惑衆，正隨，其後也。至是召赴闕，賜號。王欽若爲奏立授籙院及上清觀，今日太上清宮，在龍虎山上，蠲其田租，自是凡嗣世者，皆賜號，立宮觀于龍虎山上亦自此始。此謂官立，私立當更早也。

四代天師盛

初嗣教，居南鄭，魏世祖封奉車都尉，散騎侍郎，加都亭侯，不受。

舊府志謂爲魏太祖封都亭侯，不

受，略異，

以父魯嘗訓之曰，龍虎山，祖師元壇在焉，丹竈祕文，藏諸巖洞，汝宜往宣吾化，修煉累功。遂攜劍印經籙，自漢中還鄱陽龍虎山，得祖師之壇，丹竈故趾，卽地爲居，以三元日登壇，傳籙，四方學道者日衆，遂以劍印付子昭成。元至正元年，贈清微顯教宏德真君。

按，當時吳魏分疆，盛能否回至龍虎山，如魯傳附錄二所考詳矣。特考之衡，附錄一所載，晉時王羲之等，世奉「天師道」云云，然則「天師道」之流傳于南方，非一日，使非盛回龍虎山，有宣化事，其教之流傳，未必有如是之磅礴

也。故據府志仍載之，不欲加以論斷也。又按元史釋老傳，亦載盛來居龍虎

山云。

唐

十五代天師高

唐玄宗嘗召見，命卽京師置壇傳籙，頒賜金帛，免租稅，冊封漢祖天師號。肅宗時，又降香幣，建醮山中，賜宸翰以贊天師像云。元至正十三年，贈「太原崇德元化真君」。

十七代天師顧

初任貴水尉，棄官，按不詳時代，當爲唐時，性至孝，母疾，經月不解帶。每謂人曰，人不忠孝

，而欲學道希仙，是舍舟楫而涉大川也。元至正十三年，贈「洞虛闡教孚佑真君」。

二十代天師譙

唐會昌中，武宗召見，賜傳籙壇額，曰，「真仙觀」，將命官，辭歸。咸通中，懿

宗命建金籙大醮，賜金帛還山。元，至正十三年，贈「冲元洞真孚德一真君」。

宋

二十五代天師乾曜

宋仁宗召問冲舉之事。對曰，此非可以輔政教也，陛下苟能還真返樸，行以簡易，則天下和平矣。帝嘉之，賜號澄素先生，請蠲租賦。詔從之。

陸放翁筆記云，信州龍虎山蠲賦役，自二十五世孫乾曜

始，龍虎山志引。按，十五代時，唐玄宗已有免租稅事，是前後不符也。

元贈「崇元普濟湛寂」真君。

二十八代敦復

父象中冲舉，以弟執中掌印劍，既而歸之敦復。元贈「太極無爲演道」真君。

按，廣信府連志按云，舊志載神宗召赴闕，命醮于內殿，賜號「葆光」先生。

龍虎山志，引賜號制詞，「惜遽返于丹邱，遂莫前于宣室」，二語，以訂舊志之誤。謂敦復未嘗赴闕，「葆光」先生之號，乃屬追贈云。

三十代天師繼先

宋徽宗崇寧三年，應詔赴闕。徽宗問曰，卿居龍虎山，曾見龍虎否。對曰，居山，虎則常見，今日方覩龍顏。命作符。帝笑曰，靈從何來。對曰，神之所寓，靈自從之。問能書否。對曰，臣嘗書道德經，遂取以進。又問修丹之術若何。對曰，此野人事也，非人主所宜嗜，陛下清淨無爲，同符堯舜足矣。……一日，帝御天祥殿，從容問時政。對曰，元祐諸臣，負天下重望，乞聖度優容。帝悚然曰，朕何所不容。對曰，陛下弘建皇極，無偏無黨，以蒼生爲念，幸甚。七月，乞還山，命近臣禮餞于國門。四年，復召建醮內廷，密奏赤馬紅羊之兆，請修德。賜號「虛靖先生」，賜金鑄老君及漢天師像，遷建「上清正一宮」，賜田以食其衆，復建菴以爲修煉之所，御書「靖通」額賜之。大觀元年，復召赴闕，授太虛太夫，辭不拜。御製詩以賜。二年，還山，政和間復召，以疾辭。靖康丙午，金師入汴，欽宗與太上皇，思天師預奏之言，遣使函召至泗州天慶觀，作頌而化。元封「虛靖元通弘悟」真君。

三十一代天師時修

據世家謂繼先不娶，無子，故以時修嗣教。惟龍虎山志引繼先謝官職表云，「時崇

教範，無間顯蒙，義重天倫，推及臣子，雖緣故例，實駭當時」。則是繼先有子矣，與世家不合。

三十五代天師可大

初，三十三代景淵沒，伯瑀嘗攝教事。見表三十四代慶先歿，其子成大幼，以可大父天麟攝教事。寧宗賜號「仁靜先生。未幾，成大歿，乃以可大爲慶先後。宋理宗紹定三年，庚寅，天麟歿，可大年十二，嗣教。端平間，屢召赴闕，賜錢經資。嘉熙三年己亥，賜號「觀妙」先生。時當宋季，元世祖聞其神異，遣使訊之，乃授以靈詮。且言，後二十年，當混一天下。後果驗。師卒於景定四年，元贈「通元應化觀妙」真君。

元

三十六代天師宗演

三十五代可大子二，宗漢宗演。宗漢字聖傳，號敬齋，好詩酒，不樂應酬，讓爵於弟宗演。宗演字世傳，號簡齋，年十九，襲爵。元至正十三年，世祖既平宋，遣使召

之，命廷臣郊迎，待以客禮，及見，語之曰，昔歲己未，遣使往訪卿父，使報朕曰，後二十年，天下當混一，今果驗矣。因命坐賜宴，特賜冠服銀印，命主江南道教。復兩召至闕，世祖命取天師所傳玉印寶劍觀之。語侍臣曰，朝代更易，不知凡幾，而天師印劍，傳子若孫，其果有神明相之乎，嗟歎久之。至元二十九年壬辰，師卒。府志載辛卯卒，誤，詳見與棣傳，元贈「演道靈應冲和元靜」真君。

三十七代天師與棣

字國華，號希微子，洞明三教，甫冠，侍父入覲，儀表溫瑩，敏於應對。世祖歎異。至元壬辰，嗣教。府志載至元辛卯嗣教，據元史釋老傳宗演於二十九年卒。是年爲壬辰，宗演未死，安從嗣爵乎。應召，賜坐慰勞甚至，

授「體元弘道廣教」真人。管領江南道教。至元三十一年入覲，卒於京師，遣使護

柩還山。

府志載成宗立，復入覲，遂卒於京師，據元史釋老傳，爲至元三十一年卒，查元世祖，卒於至元三十一年甲午，正月，夏四月，成宗嗣位，次年乙未，始改元元貞，故記與棣之卒，仍爲至元三十一年爲當。

三十八代天師與材

至元三十一年嗣教。成宗大德五年，召見於上都懋殿。六年，辭歸，八年，授「正乙」教主，主領三山符籙。武宗即位，至大元年戊甲來覲，特授金紫光祿大夫，封留國公

，賜金印。仁宗即位，皇慶元年壬子特賜寶冠及組織文金之服。延祐三年丙辰卒。

按舊志所載封號褒錫，俱與史傳不合。今依元史，本傳改正。又據丹青志云，與材善畫龍，變化不測，了無粉本，求者鱗集。晚年修道，懶於舉筆，有求者布絹素，輒呼曰，畫龍來。頃之，忽一龍飛上絹素，即成畫矣。又雲烟過眼錄載，三十八代天師張與材，所藏玉印一，方二寸，厚一寸，把手又高寸許，其文曰，「陽明治都功印」，鑄刻甚精，玉色溫潤。劍一口，玉靶靶上兩面皆有篆字二行，十餘字，劍長四尺許。兩面皆細紫金，作法篆，字多不能辨，最大作雲雷電三字，劍兩面俱有鋒銛，無缺蝕云。按，此印劍當即歷代相傳者，雲烟過眼錄所載，蓋於其時，曾親見此二物，記之耳。可與道陵傳及附錄一，俾敬印說參閱。

三十九代天師嗣成

至大中，曾侍父入覲，延祐四年，仁宗召見，喜曰，克肖而父，賜冠服。英宗卽位，入覲，見於上都。泰定二年，命建醮於「長春宮」，有天花雲鶴之瑞。國子司業虞集，承詔記之，加知集賢院事。旣而還山。至正四年，將遊五嶽，先登泰山，次於呂梁，遽命返舟，卒於寶應。元授太元「輔化體仁應道」大真人。圖繪寶鑑云，天師張嗣成，能畫龍，亦常見其所畫廬山圖，又書史會要云，嗣成善草書。

四十代天師嗣德

性寬厚，善詩文，至正甲申，嗣教。後九年壬辰，天下兵興，命弟子舒惟寅募義勇保障，賊不敢犯，民賴以安。是年十月卒。元授「太乙明教廣元體道」大真人。畫史會要云，嗣德善畫墨竹禽鳥云。

四十一代天師正言

其時，元季大亂，京道不通，江浙行省，遣間使傳制，授封真人。因集諸弟子曰，

吾家世代以福國忠君祐民爲本，今天下兵爭日久，安危未可知，况吾諸弟子，總元教於北者，榮遇特隆，可無一言以致徵兆之吉乎。於是弟子程天翼奉命，言於元大宗師於有興，入陳於朝。上曰，天師，方外士也，曩以川途梗塞，無以致安撫之道，朕甚歉焉，使來，宜護遣之。天翼還報。己亥，微疾卒。

明

四十二代天師正常

至正二十一年辛丑，明太祖克南昌，遣使者上諸臣順之意。乙巳朝京師。丙午，復入覲。洪武元年戊申，入賀，賜宴便殿。太祖曰，天有師乎。乃改授「正一嗣教真人，賜銀印，秩視二品，設僚佐，曰贊教，曰掌書，賜白金十五鎰。翌年，再入朝。三年，庚戌秋，復召問鬼神情狀。九年丙辰秋，遣使召，而真人先期至。太祖喜曰，卿來何符朕意耶。十年丁巳夏，率弟子入覲，代祠嵩山，分遣重臣，與其弟子，代祠羣嶽。還山後卒，年四十三。

四十三代天師宇初

建文時，坐不法，奪印誥。成祖卽位復之。宇初嘗受道法于長春真人劉淵然，後與淵然不協，相詆訐。永樂八年卒。皇明書畫史，載其善畫墨竹，自成一家，亦精蘭蕙云。

四十四代天師宇清

宣德初，淵然進號大真人，宇清入朝，懇禮部尙書胡濙爲之請，亦加號，「崇謙守靜」。此據明史方技傳所載也。府志載，永樂八年嗣教誥授「正一嗣教清虛冲素光祖演道」真人。又載宣德元年，中秋奄化，皆與正史紀載不符。

四十五代天師懋丞

其父宇珪，常隨兄宇初入覲，太祖詔娶誠意伯劉基從女，真人劉出也。幼時授儒經，玄秘，日記萬言，及長，文章書畫，卓冠時彥。宣德元年，二年，五年，八年，迭次入覲，均荷賞賜。英宗卽位，正統元年，入賀，賜以金印，勅建天師宮于「朝

天宮」東北隅。二年，召興衍聖公同宴，各有金幣蟒衣朱履之賜。孝宗時，又易金

印爲玉印。

賜印易印事，詳胡應麟玉堂勝覽

年五十九卒。

四十六代元吉

懋澄之孫，留綱之子也。正統十年，襲爵，赴覲，時年十一。帝以年幼，勅其祖母護持，而贈其父留綱爲真人，封母高氏爲元君，歷代天師之中，其不克紹家聲，而永令譽者，當以元吉爲最。茲據明史方伎傳，略載於後：

景泰五年入朝，乞給道童四百二十人度牒，胡濙爲請，許之。尋欲得大真人號，濙爲請，又許之。天順七年，再乞道童三百五十五人度牒，禮部尙書姚夔持不可，詔許度百五十人。憲宗立，元吉復乞加母封，改太元君爲太夫人。以吏部言，不許，乃止。初，元吉已賜號「冲虛守素昭祖崇法安恬樂靜元同大真人。母，「慈惠靜淑」太元君，至是，加元吉號，「體元悟法淵默靜虛闡道弘法妙應」大真人。母，「慈和端惠貞淑」太真君。然元吉素兇頑，至僧用乘輿器服，擅易制書，奪良家子，

女逼取人財物，家置獄，前後殺四十餘人，有一家三人者。事聞。憲宗怒，械元吉至京，會百官廷訊，論死。於是刑部尙書陸瑜等，請停襲，去真人號，不許，命仍舊制，擇其族人授之。有妄稱天師，印行衍籙者，罪不逮。時成化五年四月也。元吉坐繫二年，竟以資緣免死杖百，發「肅州軍」，尋釋爲庶人。

四十八代天師彥頤

據明史方伎傳，世宗嘉靖二年，進號大真人。彥頤知天子好神仙，遣其徒十餘人，乘傳，詣雲南四川，採取遺經古器進上方，且以蟒衣玉帶，遣鎮守中貴，爲雲南巡撫歐陽重所劾，不問。十六年，禱雪內庭，有驗，賜金冠玉帶，蟒衣銀幣，易金印，敕稱卿，不名。彥頤入朝，所經郵傳供應，或後期，常山知縣吳襄等，至下按臣治，其寵眷之厚如此。己酉，曾攜子入覲，賜名永緒，乞還山。庚戌卒，年七十有一。

四十九代天師永緒

於嘉靖庚戌襲爵，壬子入覲。乙丑元旦賜宴，班在大學士上。旋還山，未幾卒。

五十代天師國祥

永緒卒，無子，吏部主事郭諫臣，乘穆宗初政，上章，請奪其世封，下江西守臣議，巡撫任士懋等，力言宜革，乃去真人號，改授「上清觀」提點，秩五品，給銅印，以其宗人國祥爲之。萬曆五年，馮保用事，復國祥故封，仍予金印，襲爵。後入覲，上優加禮遇，御書「宗傳」字額賜之，並錫以玉刻「宗傳之印」，暨「元壇」印。奉旨，聘駙馬提尉謝公詔之女爲配，以定國公徐掌姻事，凡六禮之費，悉出內帑。留京十三年，始還山。先四十二代天師正常，曾集祖宗言行，爲世纂一卷，宋文憲濂，曾爲序，正常復續集，至四十九代，俾家系不紊，垂示綦詳。又輯龍虎山誌三卷，備記載，甚資考證。辛亥，卒。誥封「正一嗣教凝誠志道闡元弘教」大真人，掌天下道教事，贈太子少保。

五十一代天師顯祖

神宗改名顯庸，賦性仁孝，好禮義，習謙和，喜讀書，長益精進不懈。嘗曰，爲學

猶掘井，井愈深，土愈難出，若不決心到底，豈得見泉源乎。天啓甲子襲爵，舊例，不待終喪。顯庸懇請守制，服闋，始拜命。志尙冲淡，樂事修煉，年未及艾，卽卸掌教事，以印劍授子應京，別構靜室，署曰梧綠軒，自號浴梧散人，著三教同途論，使學者得窺教旨，杜門戶之見。又著金丹辯惑浴梧詩集，凡若干卷，時土賊宗環窺上清，設法禦之，地方賴以安謐。丙子，大饑，散粟濟災，計口周給，受施不少，享年八十有一。誥封「正一嗣教光揚祖範冲和清素」大真人，掌天下道教事。懷宗加太子少保。清康熙四十二年，誥贈光祿大夫。

清

五十二代天師應京

崇禎十四年，帝以天下多故，召應京有所祈禱。既至，命賜宴，禮臣言，天順中制，真人不與宴，但賜筵席，今應京奉有優旨，請倣宴法王佛子例，宴於「靈濟宮」，以內官主席，從之。明年，三月，應京請加三品神封號，中外一體尊奉，禮部駁其

謬，事遂寢。張氏自正常以來，無他神，異專恃符籙，間有小驗云。以上皆據明史方伎傳所載如此。甲申三月，懷宗殉國，既而隆武嗣號於天興，貴谿與閩接壤，兵戎倏擾，安仁僧某，煽衆焚掠，禍延「上清」。廣京募鄉勇禦之，邑里獲安。清世祖時，入賀，世祖特頒敕諭，云「國家繼天立極，光昭典禮，清靜之教，亦所不廢。爾祖張道陵，博通五經，覃精玄教，治民疾病，俾不惑神怪。子孫嗣教，代有崇封，茲特命爾襲職，掌理道籙，統率族屬，務使異端方術，不得惑亂愚民，今朝綱整肅，百度惟貞，爾其申飭教規，遵行正道。其附山本教族屬，賢愚不同，悉聽糾察，此外不得干預。爾猶宜法祖奉道，謹德修行，身立模範，禁約該管員役，俾一守法紀，毋致生事，庶不負朝廷優加盛典，爾其欽承之」。故諭。給一品印，恩禮咸如故。還抵揚州瓊花觀而化。康熙四十二年，誥封光祿大夫，夫人朱氏，明益藩郡主。

五十五代天師錫麟

世宗登極，授光祿大夫，雍正五年，例應入覲。法昌婁近垣，隨行至杭州，病篤，囑近垣善事天子。越日卒，遺疏以子遇隆幼，請以次弟慶麟署理。九年三月，三弟昭麟以州同引見，命署「大真人」任務。

五十六代天師遇隆

幼有神童之目，道典法祕，及先儒書冊，均能精研不懈。乾隆七年承襲，入覲，召見「圓明園」，賜御書「教演宗傳」額。壬戌，再入覲，賜避暑山莊詩集。乾隆辛未，南巡，召見於行在。十七年，以梅御史劾，部議改爲正五品。後終於山中。三十六年辛卯，覃恩誥贈中議大夫。

五十八代天師起隆

貌魁岸，深沈多智，能文善詩，四方知名之士，樂與之遊。乾隆三十九年甲午，考入「四庫全書館」謄錄，議敘一等，以縣丞，分發河南，歷署開封府經歷，糧儲道庫大使，布政使司都事。四十四年，堂姪五十七代存義，遺疏，請襲祖爵。四十五

年。江西巡撫郝題，咨調回江，奉旨，承襲。旋入覲，賀萬壽。四十七年，再入覲。四十九年，乾隆六次南巡，又召見於行在。嘉慶時，卒於山。

六十代天師培源

字養泉，穎異澹樸，篤於孝友，道光九年，襲爵。因生母累年抱恙，囑勿遠離，擬請詣闕謝恩，未果。生平樂善好施，舍已濟人，咸豐八年戊午，亂兵侵境，避往「應天山」。九年己未，督辦團練，防剿多捷。十月，無疾而逝。光緒三十年，覃恩，誥贈光祿大夫。

六十一代天師仁畝

字清巖，事親以孝聞。咸豐九年，佐父辦團，防剿多捷，經巡撫耆奏獎，奉上諭，着以縣主簿，不論雙單月擢用。同治元年襲爵。當兵亂後，法書祕卷，簡斷篇殘，不易徵集，乃日與弟子員，參考編訂，續錄成帙，越寒暑靡懈。四年，游粵東，旋至滬上，光緒六年，奉母命，禱於南海。九年，省祖墓於西蜀青城山。光緒廿九年

，年六十有三，微恙而終。光緒三十年，覃恩，誥贈光祿大夫。

六十二代天師元旭

字曉初，光緒二十九年，襲爵。喜讀書，嫻書法。三十年，入京祝嘏，清帝賞賚有加。宣統三年辛亥，民國肇建，因破却迷信，於民國元年，由江西都督府，將前清給予之封號取消，并沒收其田產，天師府遂隨清政府同歸消逝。民國三年，元旭籲於長江巡閱使張勳，爲請於總統袁世凱，乃復其封號，發還田產，重頒「正一真人」之印，更賜以三等嘉禾章，及「道契崆峒」扁額。其後吳佩孚召之於洛陽，孫傳芳延之於江寧，天師之聲勢復張，行蹤常在京津滬漢各地。八年，被推爲「萬國道德會」名譽會長。九年，被推爲五教會道教會「會長。十三年正月，歿於滬。

六十三代天師恩溥，字瑞齡，民國十三年襲職，乃滯京滬各地。其後吳佩孚孫傳芳等先後在政治上失敗，乃南返。民國十七年，「共產黨」造亂於江西，贛東爲「共產黨」方志敏等之故鄉，弋陽貴溪各地，共黨之勢尤張。廿一年，天師府乃被燬，所有

劍印經卷等，損失頗大。

有一玉印，爲方志敏所得。方被擒後，該印由武陽縣政府，呈省府，交民廳保管。印爲玉質，立體六方，其四面及下面，均刻有龍虎山天師法寶等字。時民政廳長爲王尹西，卽由廳保管，及「共黨」削平，天師還山。縣政府呈請發還，乃原物歸之。其時任民廳長者爲朱懷冰，時期爲民國二十三年也。

其禍既平，得恢復故居，現擬創辦「道學研究院」，以資繼續其先代真傳。旋因抗戰軍興，暫時停頓，未克進行。

按，天師府先代遺留之法物，經迭次變亂，損失太半矣。最近江西省通志館，

函請貴溪縣政府，代爲實地調查。據復，原文如下：

民國三十一年一月十七日公函

(一)書籍 先代遠年遺下經籙法科，除歷代波折殘斷外，僅有道德經，大梵先天斗科，靈寶濟煉台科，申文發奏科範，先天芟治驅邪行移各種要典，及一切書籍頗多，不勝舉。

(二)法印 祖遺玉刻「陽平治都功印」一顆，厚七分，橫長各寸半，方紐，治，淨室也。陽平，山名，老祖初居此，都功，經籙名，漢安元年，「元元老君」降賜云。

按「陽平治都功印」其釋義，見前懺敬真人府印說，雖其詮釋，不少精義，似不若其嫡裔所傳之確。

矣，然據此謂「都功」爲經籙名，殆或然歟。又據雲笈七籤，「陽平治」爲二十四治之一，則亦與治爲淨室，陽平山名，之簡單解釋稍不同焉。

又丹印一顆，厚七分，橫長各二寸一分，五金雜成，傳爲龍虎丹熟，丹頭聚結，斗木犴紐，雷文曰，四聖，天蓬天佑翊聖佑賢也。又玉

刻，大「陽平治都功印」一顆，厚七分，橫長各三寸半，全螭紐，白如冰雪，略無瑕垢，望而有異光，真人世希寶也。傳爲楚卞和璧，同璞分鑄者云。

按，和璧分鑄之說


，想爲傳說之神話耳。

又銀刻雙紋「陽平治都功印」一顆，厚七分，橫長各寸五分，明嘉

靖五年賜也。重二十餘兩，靈芝如意紐。以上四印，符籙表疏經籙用之。又


宣和年，賜鐵刻「神霄玉文之章」印一顆，鳳篆不可識。賴有鐫識，凡捕捉法事，舊用正一元壇印，今或以此代之，篆中亦間用之焉。

附法印（一）



祖遺玉刻「陽平治都功印」
一顆，厚七分，橫長各寸半
方紐。治，淨室也。陽平，
山名。老祖初居此。都功，
經籙名，漢安元年，元元老
君降賜云。


法印（二）



印模不明


丹印一顆，厚七分，橫長各二寸一分，五金雜成，傳爲龍虎丹熟，丹頭聚結，斗木犴紐，雷文曰，四聖天蓬天佑翊聖佑聖也。

治印（三）



玉刻大「陽平都功
印」一顆，厚七分
，橫長各三寸半，
全螭紐，白如冰雪
，略無瑕玷，望而
有異光，眞人世希
寶也。傳爲楚卞和
璧，同璞分鐫者云

法印（四）











銀刻，雙紋，陽平治都功印一顆，厚七分，橫長各寸五分，明嘉靖五年賜也。重二十餘兩，靈芝如意紐。以上四印，符籙表疏經籙用之。



法印（五）

宣和年賜，鐵刻，神霄玉文之章，印一顆，鳳篆不可識，數有鐫識。凡捕捉法事，舊用正一元壇印，今或以此代之，符篆中亦間用之焉。

(三)法劍 祖遺法劍二具，卽漢安元年正月十五日，祖天師受於元元老君，雌雄二劍也，佚一，其一玉靶，靶上兩面皆有篆字二行，十餘字，劍長四尺許，四面皆紫金法篆，其一而有法書，，，，，，，，，內有兔，春夏秋冬，其下，爲三台斗北，號，其一面，字不能辨，下作雲雷電三字，劍兩面俱鋒，如新，無缺蝕。

(四)寶物 三清四聖銅質神像，玉笏玉冠，令牌，天蓬尺拷鬼桃杖等物。以上均據貴溪縣政府公函，原文錄入，其民廳發還之玉印，在其所存玉印中，並無記載，不知何故。

又據三十五年五月二十八日，南昌新聞日報，載有天師會見記一則，步衡稿錄之，是最近情形也。當代天師，名瑞摩，乃道陵六十三代後裔，年近五十，有兩女，均肄業師範學校，其長女於前年，並曾報名投「青年軍」，節爲天師所阻，未成事實。一子爲繼任之天師，小學教育，亦將結束，不久

即可傳授天書。

照天師府成例，繼位者必爲長子，在其粗通文字後，卽由其父親授道法，及符咒等課，

其人頗斯文有禮，但

體格弱，如其父云。

附天師府法官

「上清宮」法官定額與職掌，舊無考證。其名之散見於各朝代者，分類錄記於後：

宋 管轄 任職者爲留用光 薛應常

都監 洪微叟

道正 王襲明

監宮 郭保寧

知宮 鄭保和 徐處尙

副知宮 李元澄

知觀 呂惟一

元 住持 張開時 李宗老

明監臨

方日中

又本宮職事，有職名可考者，爲提點，提舉，副宮，上座，監齋，直歲，掌籍，書記，知事，知書，知庫，等，經明季兵燹，各員印信割付，俱遺失無存。至清雍正十年五月，奉上諭頒給上清宮提點印信一顆，割付一張，翌年，七月，又頒給提舉以下割付二十五張，額設提點一員，提舉一員，副理二員，贊教四員，知事十八員。乾隆時，其提點常隨天師入覲，天師還山，則奉旨，將提點留京辦事。著名者爲龔近垣，汪克誠，於是增設署理提點，與協理提點，二缺。

附傳龔近垣

近垣，字三臣，少入龍虎山，爲道士。先是「上清宮」有提點周太經者，明習「五雷正法」諸家符祕，近垣師事之，盡得其傳。雍正五年，隨五十五代天師錫麟入覲，奉命留京辦事，禮斗祈雨，輒有靈應，授四品提點，尋封爲「妙正」真人。乾隆元年，誥授通議大夫，備員兩朝，屢荷恩寵，足爲羽流增重。按，據浙江嘉興府志

，近垣爲秀水人。

汪克誠

克誠字贊可，真人府「盛紀司」，

此職名前所未列

乾隆三十六年，隨侍五十七代真人入覲，

蒙恩賞給「玉道冠」，三十九年，奉旨留京。四十年，補京畿道冠。四十二年，授上清宮提點，京畿道錄司，大光明殿住持，欽安殿住持。四十三年，祈雪立，應蒙恩，賞皮蟒袍一襲。屢隨真人入覲，祈求雨雪，無不靈應。

勘誤表

| 頁 | 行 | 字 | 誤 | 正 | 備 | 考 |
|-----|----|-------|-----|----|--------|---|
| 世家1 | 11 | 15 | 倒植 | 仙 | 神仙傳 | |
| 2 | 1 | 29 | 空白 | 帝 | 黃帝九鼎 | |
| 3 | 1 | 38 | 空白 | 便 | 民夷便樂之 | |
| | 2 | 30 | 籤 | 籤 | 雲笈七籤 | |
| | 5 | 9 | 籤 | 籤 | | |
| 8 | 12 | 6 | 網 | 網 | 網生桐柏 | |
| 12 | 4 | 3 | 空白 | 通 | 通字彙超 | |
| 13 | 1 | 1 | 伯 | 衍文 | | |
| | 1 | 4 | 空白 | 伯 | 子祥字麟伯 | |
| 14 | 8 | 16 | 至 | 上 | 上德紫虛 | |
| 20 | 4 | 17 | 戊 | 戊 | 壬戌 | |
| 21 | 1 | 25 | 卯 | 卯 | 辛卯 | |
| 24 | 9 | 28 | 及 | 足 | 及證元慶 | |
| | 13 | 7. 8. | 號別 | 別號 | 別號三陽 | |
| 30 | 7 | 13 | 寅 | 寅 | 演教妙道 | |
| 31 | 5 | 7 | 知 | 如 | 如今之亭傳 | |
| 39 | 10 | 36 | 倒植 | 以 | 仍以至元 | |
| 40 | 1 | 28 | 「 | 「 | 「正乙」 | |
| 41 | 5 | 16 | 「 | 刪去 | | |
| | | 14 | 加「 | | 「太元輔化 | |
| 42 | 3 | 3 | 於 | 于 | 于有與 | |
| | 8 | 28 | 遺「 | 加「 | 「正」副教」 | |
| 45 | 3 | 16 | 衍 | 符 | 符籙 | |
| 46 | 6 | 7 | 提 | 都 | 都尉 | |
| 53 | 2 | 1 | 矣 | 衍文 | | |
| | 2 | 21 | 籤 | 籤 | 雲笈七籤 | |
| | 10 | 14下 | 遺一字 | 符 | 符籙 | |
| 59 | 11 | 26 | 節 | 因 | 因為天師 | |
| 60 | 2 | 2下 | 遺一字 | 辱 | 辱弱 | |
| | 12 | 5 | 開 | 聞 | 張聞詩 | |
| 61 | 3 | 2 | 藉 | 籍 | 掌籍 | |